

## 7. ANEXO VII

Organización dos módulos profesionais en unidades formativas de menor duración.

Módulo profesional	Unidades formativas	Duración
-MP0079. Procesos bioquímicos.	-MP0079_12: Procesos de vinificación.	133
	-MP0079_22: Microbioloxía enolóxica.	80
-MP0081. Análise enolóxica.	-MP0081_12: Análise química.	113
	-MP0081_22: Técnicas de microbioloxía enolóxica.	100
-MP0085. Lexislación vitivinícola e seguridade alimentaria.	-MP0085_12: Lexislación e xestión vitivinícola.	105
	-MP0085_22: Seguranza e hixiene.	35
-MP0086. Xestión de calidade e ambiental na industria alimentaria.	-MP0086_12: Xestión de calidade.	52
	-MP0086_22: Xestión ambiental.	35
-MP0088. Formación e orientación laboral.	-MP0088_12: Prevención de riscos laborais.	45
	-MP0088_22: Equipos de traballo, dereito do traballo e da seguranza social, e procura de emprego.	62

### III. OUTRAS DISPOSICIÓNS

#### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Corrección de erros.-Orde do 29 de marzo de 2010 pola que se anuncian axudas económicas destinadas a subvencionar a realización de obras e equipamento para a prestación de servizos municipais nos concellos e nas entidades menores de Galicia.*

Advertido erro na citada orde, publicada no *Diario Oficial de Galicia*, número 64, do 7 de abril de 2010, é necesario facer as seguintes correccións:

Na páxina 5.106, artigo 1º, alínea a), onde di: «Obras de rehabilitación, adaptación, mellora ou obras complementarias dentro dos edificios destinados a prestación de servizos municipais»; debe dicir: «Obras novas, de rehabilitación, adaptación, mellora ou obras complementarias dentro dos edificios destinados a prestación de servizos municipais».

Na páxina 5.108, artigo 9º onde di: «No caso de subvención para obras, a entidade beneficiaria deberá dar publicidade da obra...»; debe dicir: «No caso de subvención para obras, a entidade beneficiaria deberá dar publicidade da obra...»

Na páxina 5.113, anexo VII onde di: «Secretario/a do proxecto de...»; debe dicir: «Director/a do proxecto de...».

*Orde do 31 de marzo de 2010 pola que se fixan prezos privados para diversos cursos de especialización e de cualificación profesional e asimilados impartidos pola Academia Galega de Seguridade Pública (Agasp).*

A Lei 6/2003, do 9 de decembro, de taxas, prezos e exaccións reguladoras da Comunidade Autónoma

de Galicia, no seu artigo 51 sinala a obriga de que os prezos privados sexan fixados polas consellerías correspondentes, logo de informe favorable da Consellería de Facenda, e publicados no *Diario Oficial de Galicia*.

Para cumprir este mandato, e despois de emitido o perceptivo informe favorable da Consellería de Facenda,

#### DISPOÑO:

Artigo único.

Un.-Fíxanse os seguintes prezos privados para diversos cursos de especialización e de cualificación profesional e asimilados impartidos pola Agasp conforme o establecido no anexo.

Dous.-Os prezos a que se refire esta orde entenderanse, se é o caso, con IVE incluído.

#### Disposición adicional

Estes importes actualizaranse o un de xaneiro de cada ano na mesma proporción que a variación interanual experimentada polo índice xeral de prezos de consumo para o conxunto nacional total (IPC, base 2006) no mes de novembro, calculado polo INE. Os prezos así actualizados deberanse facer públicos no *Diario Oficial de Galicia*, mediante resolución da persoa titular da dirección xeral da Academia Galega de Seguridade Pública.

#### Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 31 de marzo de 2010.

Alfonso Rueda Valenzuela  
Conselleiro de Presidencia, Administracións  
Públicas e Xustiza